

ՀԿԿ ՊԱՅՔԱՐԸ ԴՅՈՒՂԱՏՆՏԵՍՈՒԹՅԱՆ ՆՅՈՒԹԱՏՆԵՆԻԿԱԿԱՆ
ԲԱԶՄԱՅԻ ԱՄՐԱՊՆԴՄԱՆ ՀԱՄԱՐ (1959—1965 ԹԹ.)

Ա. Ս. ԶԱՆԻՅԱՆ

«Սոցիալիզմի միակ նյութական հիմքը կարող է լինել խոշոր մեքենայական արդյունաբերությունը, որն ընդունակ է վերակառուցելու նաև հողագործությունը»¹, — նշել է Վ. Ի. Լենինը:

Կոմունիստական կուսակցությունն իր գործունեության հիմքում դնելով Վ. Ի. Լենինի պատգամները, մեր երկրի ժողովրդական տնտեսության զարգացման անցած հնգամյակների ընթացքում հսկայական աշխատանք ծավալեց ծանր արդյունաբերության զարգացման համար: Դրանով ստեղծվեցին պայմաններ գյուղատնտեսության սոցիալիստական վերակառուցման և սոցիալիզմի հաղթանակի համար: Սոցիալիզմի կառուցումն ավարտելուց հետո մեր երկրը թեև կոմունիստական հասարակարգի ծավալուն կառուցման ժամանակաշրջանը: ՍՄԿԿ XXII համագումարն առաջին պլանի վրա դրեց այդ հասարակարգի նյութատեխնիկական բազայի ստեղծման խնդիրը, որը և դարձավ ՍՍՀՄ ժողովրդական տնտեսության զարգացման 1959—1965 թթ. պլանի գլխավոր նպատակը: Քննարկելով հանրապետության ժողովրդական տնտեսության զարգացման 1959—65 թթ. պլանի դիրեկտիվները, ՀԿԿ արտահերթ XX համագումարը (1959) առանձնակի ուշադրություն դարձրեց նաև գյուղատնտեսության տեխնիկական հագեցվածության բարձրացման վրա և նշեց, որ անհրաժեշտ է «1960 թվականին ավարտել բոլոր կոլտնտեսությունների, սովխոզների ու ՄՏԿ-ների էլեկտրիֆիկացումը, առավելագույն չափով մեքենայացնել և էլեկտրիֆիկացնել գյուղատնտեսության արտադրությունը...»²:

Այդ նպատակով ՀԿԿ Կենտկոմը և հանրապետության Մինիստրների սովետը մի շարք գործնական միջոցառումներ ձեռնարկեցին արագացնելու հանրապետության մեքենաշինական, էլեկտրատեխնիկական արդյունաբերության ու իռիգացիոն. շինարարության տեմպերը: Յոթնամյակի տարիներին Երևանից բացի մեքենաշինության նոր կենտրոններ դարձան Լենինականն ու Կիրովականը: Մեքենաշինական գործարաններ կառուցվեցին նաև Հրազդանի, Սևանի, Կամոյի, Ստեփանավանի և հանրապետության մի շարք այլ շրջաններում:

Զգալի աշխատանք կատարվեց նաև էներգիայի պաշարների ավելացման գործում: Շահագործման հանձնված մի շարք էլեկտրակայանների հետ միասին, բնական դազի բազայի վրա Երևանում, Կիրովականում և Հրազդանում կառուցվեցին ջերմաէլեկտրակայաններ: Արգեն ճյոթնամյակի վերջին էլեկտրաէներգիայի արտադրությունը հանրապետությունում 1940 թ. համեմա-

¹ Վ. Ի. Լենին, Երկեր, հ. 2, էջ 591:

² ՀԿԿ XX համագումարի բանաձևը, Երևան, էջ 18:

տությամբ ավելացավ 7,7 անգամ, իսկ 1913 թ. համեմատությամբ՝ 595 անգամ³։

Մեքենաշինության և էլեկտրաէներգիայի արտադրության զարգացումն զգալի չափով բարձրացրեց գյուղատնտեսության էներգազինվածությունը։ Բավական է ասել, որ «1965 թ. էլեկտրաէներգիայի ծախսումը գյուղատնտեսության մեջ կազմեց 287 մլն. կվտժ, 1958 թ. 85 մլն. կվտժ-ի փոխարեն»⁴։

Գյուղատնտեսության նյութատեխնիկական բազայի ամրապնդման գործում նշանակալից է քիմիական արդյունաբերության դերը, որի զարգացման հարցը միշտ գտնվել է ՀԿԿ ուշադրության կենտրոնում։ ՍՄԿԿ 1958 թ. մայիսյան, 1963 թ. դեկտեմբերյան և 1964 թ. փետրվարյան պլենումների որոշումների հիման վրա սիստեմատիկաբար քննության են առնվել հանրապետության քիմիական արդյունաբերության զարգացման հարցերը և ընդունվել են գործնական որոշումներ։ ՀԿԿ Կենտկոմի 1964 թ. մարտյան պլենումի որոշմամբ հանձնարարվեց համապատասխան կազմակերպություններին, որպեսզի «1964 թ. պատրաստվի 22 հազար մարդ հողագործության քիմիացման համար, 15 հազար՝ անասնապահության քիմիացման համար և 4 հազար՝ գյուղատնտեսության արտադրության կազմակերպման համար»⁵։

Այդ որոշմամբ առաջարկվեց Ժողտնտխորհին արագացնելու քիմիայի կառույցների շինարարությունը՝ Երևանում, Կիրովականում, Ալավերդում, որով զգալիորեն ավելացավ գյուղատնտեսության մատակարարումը քիմիական պարարտանյութերով և քիմիկատներով։ Հանրապետությունում «1963 թ. յուրաքանչյուր ամսվա ընթացքում արտադրվում է այնքան քիմիական նյութեր, — ասված է ՀԿԿ Կենտկոմի 1964 թ. հունվարյան պլենումի որոշման մեջ, — որքան արտադրվել է 1950 թ. ամբողջ տարվա ընթացքում»⁶։

Նոր կառույցների գործարկմամբ յուրացվեցին քիմիական արտադրության մի շարք տեսակներ, որոնք բացառիկ նշանակություն ունեն գյուղատնտեսության համար։ Հենց ամոնիակի արտադրության ընդարձակումը նպաստավոր պայմաններ ստեղծեց ազոտային պարարտանյութերի ավելացման համար և այդ բազայի վրա կազմակերպվեց քիմիական նոր նյութի՝ կարրամիդի արտադրությունը, որը գյուղատնտեսության համար ծառայում է որպես պարարտանյութ, իսկ կենդանիների համար՝ կերանյութ։

Հանրապետության քիմիական արդյունաբերության նոր ուղղություն է հերթիցիդների արտադրությունը։ Հենց միայն «կրոտիլին» հերթիցիդի օգտագործումը մոլախոտերի ոչնչացման գործում տնտեսական մեծ օգուտներ է տալիս։ Կարևոր է նաև պոլիէթիլենային թաղանթի արտադրությունը Երևանում, որն օգտագործվում է ձմեռվա պայմաններում խաղողի այգիների ծածկոցի, ջերմոցային տնտեսության և այլ նպատակների համար։

Գյուղատնտեսության նյութատեխնիկական բազայի ամրապնդման գործում մեծ ավանդ է ներդրում ջրաշինարարությունը։ Յոթնամյակի տարիներին Քալինի, Արզնի-Շամիրամ ջրանցքների առաջին հերթերի և Կոտայքի ջրանցքի,

³ Հոկտեմբերը և Հայաստանի տնտեսական զարգացումը, Երևան, 1967, էջ 58։

⁴ Ա. Ս. Մարտյան, Հայաստանի գյուղատնտեսության սոցիալ-տնտեսական վերափոխումները, Երևան, 1967, էջ 19։

⁵ ՀԿԿ Կենտկոմի 1964 թ. մարտյան պլենումի սղագրական հաշվետվությունը, ՀԿԿ Կենտկոմի ընթացիկ արխիվ, թ. 45։

⁶ Նույն տեղում, թ. 6։

ինչպես նաև Ախուրյանի, Ապարանի, Մանթաշի, Սասունաշենի խոշոր շրամ-
րարների, Նոյեմբերյանի, Մխչյանի, Արևշատի և մի շարք այլ շրհան կայան-
ների ու ջրամբարների կառուցման շնորհիվ զգալիորեն ավելացան ջրովի հո-
ղատարածությունները:

Թալինի ջրանցքի առաջին հերթի շահագործումով Թալինի և Հոկտեմբեր-
յանի շրջաններում ոռոգելի դարձավ ավելի քան 12 հազար հեկտար հողա-
տարածություն: Արզնի-Շամիրամ ջրանցքի առաջին հերթի, ինչպես նաև Կո-
տայքի ջրանցքի կառուցմամբ Արովյանի, Շահումյանի, էջմիածնի և Արտաշա-
տի շրջաններում ոռոգվեցին ավելի քան 25 հազար հեկտար հողատարածու-
թյուններ, իսկ Ախուրյանի, Ապարանի ջրամբարների շահագործումով լրացու-
ցիչ կերպով ջրովի դարձան մոտ 30 հազար հեկտար նոր հողատարածու-
թյուններ: Զրովի դարձած հողատարածություններն օգտագործվեցին մեծ մասամբ
խաղողագործության և պտղաբուծության զարգացման նպատակով: Նույն
նպատակի համար օգտագործվեցին նաև Նոյեմբերյանի շրջանում կառուցված
շրհան կայանի միջոցով ոռոգվող 4 հազար հեկտար հողատարածությունները:

Այդ տարիներին զգալի աշխատանք է կատարվել նաև հանրապետության
առողջապահության ջրարբիացման, ինչպես նաև Արարատյան դաշտավայրի ու
մյուս շրջանների ճահճակալած և գերխոնավացած հողերի չորացման, աղա-
ղեթման և դրանք գյուղատնտեսության օգտագործման տակ դնելու գործում:

Գյուղատնտեսության նյութատեխնիկական բազայի ամրապնդման ճա-
նապարհին կարևոր նշանակություն ունեցան գյուղատնտեսական գիտության
նվաճումների և կազմակերպական կարգի մի շարք այլ միջոցառումների ներ-
դրումը գյուղատնտեսական արտադրության մեջ:

Ցոթնամյակի տարիներին ՀԿԿ Կենտկոմը և հանրապետության Մինիստր-
ների սովետը գործնական մի շարք միջոցառումներ ձեռնարկեցին գյուղատն-
տեսական գիտահետազոտական ինստիտուտների, գիտահետազոտական խո-
շոր լաբորատորիաների ու զանազան կայանների ցանցն ընդարձակելու և
ներանց նյութա-արտադրական բազան ամրապնդելու ուղղությամբ: Այդ միջո-
ցառումներն օգնեցին գիտահետազոտական հիմնարկների կոլեկտիվներին լու-
ծելու հանրապետության գյուղատնտեսության մի շարք պրոբլեմատիկ հար-
ցեր: Մշակվեցին և գործադրության մեջ դրվեցին գյուղատնտեսական կուլ-
տուրաների բերքատվության բարձրացման կոմպլեքս միջոցառումներ ըստ
գյուղատնտեսական գոտիների: Ուսումնասիրվեցին հանրապետության հողա-
տեսքերը և ըստ այդ հողատեսքերի մշակվեցին ու տնտեսություններին հանձ-
նվեցին ագրոքիմիական մեծ մասշտաբների քարտեզներ, որոնց օգնությամբ
մեքենայացվեցին հողերի պարարտացումը, վարը, ցանքսը, մշակումը, բեր-
քահավաքը և այլն:

Այդ մեթոդով կատարված ցանքսերը տալիս են տնտեսական մեծ ար-
դյունքներ: Այսպես. միայն Կալինինոյի շրջանի Նորաշեն գյուղի կոլտնտեսու-
թյունում նոր մեթոդով կատարած ցանքսով «աշնափայտ» ցորենի միջին բեր-
քը 1965 թ. կազմել է 35 ցենտներ, կարտոֆիլինը՝ 231 ցենտներ: Այն դեպքում,
երբ նախորդ տարիների աշնանացան ցորենի միջին բերքը այստեղ կազմել է
11,9 ցենտներ, իսկ կարտոֆիլինը՝ 133 ցենտներ»⁷:

⁷ «Տեղեկագիր գյուղատնտեսական գիտությունների», 1965, № 11—12, էջ 151:

կարևոր նշանակություն ունեցավ նաև հայ գիտնականների մշակած և արտադրության մեջ ներդրված առանց հողի, արհեստական պայմաններում բանջարեղենի ստացումը:

Նշված մեթոդների առավելությունը կայանում է ոչ միայն նրանում, որ դրանց ներդրումն արտադրության մեջ զգալիորեն ավելացնում է արդյունքները, այլև բարձրացնում է գյուղատնտեսական աշխատանքների կազմակերպման կոլտուրան և պայմաններ է ստեղծում գյուղատնտեսական աշխատանքն արդյունաբերական հիմքի վրա ղեկու համար:

Յոթնամյակի ընթացքում զգալիորեն ամրապնդվեց հանրապետության գյուղատնտեսության նյութատեխնիկական բազան և նրա աշխատատար պրոցեսների մի մասը ենթարկվեց մեքենայացման: Կոլեկտիվ տնտեսություններում «1965 թ.՝ 1958 թ. համեմատությամբ տրակտորների թիվն ավելացել է 260 տոկոսով, դրանց քարշային կարողությունը՝ 214 տոկոսով: Հացահատիկային կոմբայնների թիվն ավելացել է 132 տոկոսով, բեռնատար ավտոմեքենաների թիվը՝ 174 տոկոսով»⁸:

Հանրապետության գյուղատնտեսության համախառն արտադրանքը համադրելի գներով 1963 թ. համեմատությամբ 1965 թ. աճեց 19,6 տոկոսով կամ արտադրանքի տարեկան միջին աճը կազմեց 9,8 տոկոս⁹: Գյուղատնտեսության նյութատեխնիկական բազայի ամրապնդումը և աշխատատար պրոցեսների մի զգալի մասի մեքենայացումը նպաստեցին նրա արդյունքների ավելացմանը: 1958 թ. համեմատությամբ 1965 թ. հանրապետության կոլեկտիվ տնտեսություններում և սովխոզներում գյուղատնտեսական կոլտուրաների մեկ հեկտարի բերքատվության աճը ներկայացնում է հետևյալ պատկերը (ցենտներով)¹⁰:

	1958 թ.	1965 թ.	աճը
1. Հացահատիկային կոլտուրաներ	9,4	10,8	1,4
2. Մխախոտ	12,6	17,4	4,8
3. Կարտոֆիլ	93,0	97,0	3,0
4. Բանջարեղեն	154,0	179,0	25,0
5. Պտուղներ	25,5	40,0	14,5
6. Խաղող	50,3	53,0	2,7

Յոթնամյակի տարիներին հանրապետության մի շարք շրջանների կուսակցական, սովետական և գյուղատնտեսական մարմինները, ինչպես նաև կոլեկտիվ ու սովետական տնտեսությունների կուսակցական կազմակերպությունները լուրջ հաջողությունների հասան գյուղատնտեսության նյութատեխնիկական բազայի ամրապնդման, նրա աշխատատար պրոցեսների մեքենայացման և գյուղատնտեսական մթերքների արտադրության ավելացման գործում:

Այսպես, 1965 թ. Ստեփանավանի շրջանի «51 կովանոցները էլեկտրիֆիկացված էին, 8-ը ենթարկված էին կոմպլեքսային մեքենայացման, 13 կովա-

⁸ «Հայաստանի ժողովրդական տնտեսություն», 1966, № 1, էջ 219:

⁹ Տե՛ս Ա. Ս. Զանինյան, ՀԿԿ Կենտկոմի հաշվետու զեկուցումը ՀԿԿ XXIV համագումարին, Երևան, 1966, էջ 2:

¹⁰ Տե՛ս «Народное хозяйство Арм. ССР», Ереван, 1966, էջ 105, 106, 112:

նոցներում տեղադրված էին ավտոխմոցներ, 48 կովանոցներում մեքենայացված էր կերերի բաշխումը, 37-ում՝ գոմաղբի հեռացումը, իսկ 38-ում՝ կովերի կիթը¹¹։ Կալինինոյի շրջանի 68 կովանոցներից 38-ը կառուցվել են տիպային նախագծով, բոլոր կովանոցները էլեկտրիֆիկացված են, 61 կովանոցներում մեքենայացված է կերերի մատակարարումը, 46-ում՝ գոմաղբի տեղափոխումը, իսկ 62-ում՝ կովերի կիթը¹²։

Ստեփանավանի շրջանի Վարդաբլուր գյուղի կուսակցական կազմակերպությունը, պատմում է շրջանային «Փարոս» թերթը, մի քանի անգամ քննություն է առել կոլտնտեսության աշխատատար պրոցեսների մեքենայացման հարցը և հասել է անհրաժեշտ արդյունքների։ Այդ կոլտնտեսությունում մեքենայացված են հացահատիկի, եգիպտացորենի, կարտոֆիլի և գյուղատնտեսական այլ կուլտուրաների ցանքսը, մշակումը և բերքահավաքը։ Կոլտնտեսությունը 1965 թ. ուներ 17 զանազան մակնիշի տրակտոր, 7 կոմբայն, 12 բեռնատար ավտոմեքենաներ, բացի այդ, նաև գոմաղբ ցրող, պարարտանյութեր բեռնող, ծխախոտ հավաքող և մամլող, ինչպես նաև թունաքիմիկատներ սրբակող, հանքային պարարտանյութեր ցրող և գյուղատնտեսական շատ այլ մեքենաներ ու գործիքներ¹³։

Գյուղատնտեսության աշխատատար պրոցեսների մեքենայացման գործում աչքի ընկավ Սպիտակի շրջանի Սպիտակի սովխոզի կուսակցական կազմակերպությունը, որի նախաձեռնությամբ սովխոզի մեխանիզատորների ուժերով կոմպլեքսային մեքենայացման ենթարկվեց սովխոզի անասնապահական ֆերման։ Սպիտակի կուսակցական շրջկոմը կազմակերպեց շրջանի մեխանիզատորների և կոլտնտեսությունների նախազահների հանդիպումը Սպիտակի մեխանիզատորների հետ։ Այս օգտակար հանդիպումը տվեց մեծ արդյունք։ Դրանից հետո ճշգրտում կոմպլեքսային մեքենայացման ենթարկվեցին կոլտնտեսությունների և սովխոզների 12 անասնապահական ֆերմաներ¹⁴։

Այսպիսի արդյունքների են հասել նաև Շահումյանի և մի շարք այլ շրջանների կոլեկտիվ և սովետական տնտեսությունները։

Մեքենայացումը տալիս է տնտեսական մեծ արդյունք։ Ստեփանավանի շրջանի տնտեսություններում ձեթե 1958 թ. կաթի համախառն արտադրանքը կազմել է 7694 տոննա, ապա 1965 թ. այն հասել է 10805,8 տոննայի։ Նույն ժամանակաշրջանում մեկ կովի միջին կաթնատվությունը 1811 կգ-ից հասել է 2015 կգ-ի, մսի համախառն արտադրանքը աճել է 115 տոննայով, ձվինը՝ 221 հազար հատով¹⁵։

Կալինինոյի շրջանի կոլտնտեսություններում և սովխոզներում «1965 թ.՝ 1964 թ. համեմատությամբ 1034 տոննա ավել կաթ է արտադրվել։ Նույն ժամանակամիջոցում կովերի կաթնատվությունն ավելացել է 105 կգ-ով, կովերի միջին կաթնատվությունը հասցնելով 2418 կգ-ի»¹⁶։

Այսպիսով, գյուղատնտեսության նյութատեխնիկական բազայի ամրապնդման գործում հանրապետության նվաճումները ակնառու են։ Սակայն

¹¹ «Գյուղտնտեսության հանրապետական միավորման ընթացիկ արխիվ, 1965։

¹² Մի-ի հայկ. մասնաճյուղի արխիվ, ֆ. 1, ց. 87. գ. 746, թ. 177։

¹³ «Փարոս», 1965, № 130։

¹⁴ «Հայաստանի գյուղատնտեսություն», 1966, № 5, էջ 8։

¹⁵ «Փարոս», 1966, № 9։

¹⁶ «Սոցիալիստական անասնապահություն», 1966, № 12։

դրանք ավելի բարձր կլինեին, եթե թույլ չարվեին կազմակերպական կարգի մի շարք սխալներ ու թերություններ:

Չնայած ՍՄԿԿ Կենտկոմի 1958 թ. փետրվարյան պլենումի այն պարզ ցուցումին, որ ՄՏԿ-ների վերակազմումը ՆՏԿ-ներով պետք է կատարել աստիճանաբար, ելնելով տվյալ շրջանի կոնկրետ պայմաններից և տնտեսական հնարավորություններից, հանրապետությունում այդ վերակազմումը կատարվեց միանգամից և ոչ բոլոր դեպքերում հաշվի առնվեցին շրջանների ու կոլտնտեսությունների կոնկրետ պայմանները: Դրանով փոխվեց գյուղատնտեսական տեխնիկայի օգտագործման կարգը և նոր ստեղծված ՆՏԿ-ներն իրենց աղքատ նյութատեխնիկական բազայով և աշխատանքի կազմակերպման ձևերով չկարողացան ապահովել գյուղատնտեսության բարդ տեխնիկայի նորոգումը, ներանց պահեստամասերով ապահովումը և նոր տեխնիկայի մատակարարումը կոլտնտեսություններին:

Բացի այդ, կոլտնտեսությունների մի զգալի մասը շուրջ համապատասխան մեխանիզատորական կադրեր, նյութական անհրաժեշտ միջոցներ ու բազա՝ այդ տեխնիկական գործադրելու համար: Դրա հետևանքը եղավ այն, որ այդ տարիներին զգալիորեն իջավ գյուղատնտեսական տեխնիկայի արտադրողականությունը և ավելացան նրա վրա կատարված ծախսերը: Բավական է ասել, որ հանրապետությունում. Անցած յոթ տարիների ընթացքում 15 ձիու ուժի մեկ տրակտորի տարեկան արտադրողականությունը միջին հաշվով իջել է 107 հեկտար փափուկ վարով, իսկ հացահատիկային կոմբայնի սեզոնային բեռնվածությունը՝ 35 տոկոսով¹⁷: Ավելին, այդ տարիներին մեկ հեկտար փափուկ վարի հաշվով վառելանյութի ծախսն ավելացել է 3,8 կգ-ով կամ 26,7 տոկոսով¹⁸:

Եթե 1959—1965 թթ. ընթացքում «կոլտնտեսությունների և սովխոզների մեքենատրակտորային պարկը մեծացել է 2,5 անգամ, ապա մեքենայական աշխատանքների ծավալը ավելացել է միայն 43,8 տոկոսով»¹⁹, Դա զգալիորեն հարվածեց գյուղատնտեսության նյութատեխնիկական բազայի ամրապնդմանը և նրա արդյունքների ավելացմանը: Պակաս վնաս չբերեց նաև գյուղատնտեսության ղեկավարման գործում այդ տարիներին հանդես բերված կամայականություններն ու սուբյեկտիվ զբոսնաչափություններից չբխող կուսակցական ու գյուղատնտեսական մարմինների հաճախակի վերակառուցումները, գյուղատնտեսական աշխատանքի կազմակերպման մի շարք հասունացած հարցերի լուծման ձգձգումը: Սխալներ թույլ տրվեցին կոլտնտեսություններում աշխատանքի կազմակերպման և աշխատողների վարձատրման ու նյութական շահագրգռվածության, ինչպես նաև կոլտնտեսականների անհատական և հասարակական շահերի ճիշտ զուգակցման հարցերում և այլն: Այնուհետև, կոլտնտեսություններում աշխատանքի կոլեկտիվ ու մանրխմբային գործարքով կատարումը, անհատական գործարքի թերազնահատումը և աշխօրերով վարձատրման ձևն անհրաժեշտաբար չեն նպաստել գյուղատնտեսության արտադրության բարձրացմանը:

¹⁷ «Լենինյան ուղիով», 1966, № 3, էջ 81:

¹⁸ Նույն տեղում, էջ 82:

¹⁹ «Հայաստանի ժողովրդական տնտեսություն», 1966, № 3, էջ 43:

Գյուղատնտեսության նյութատեխնիկական բազայի ամրապնդմանը և նրա արդյունքների ավելացմանը լուրջ կերպով խոչընդոտեցին նաև ցանքաշրջանառության կոպիտ խախտումները, շրջանների ու կոլեկտիվ տնտեսությունների հախուռն ու չհիմնավորված խոշորացումները, գյուղատնտեսական արտադրության միանգամայն անբավարար տեղաբաշխումն ու մասնագիտացումը:

Բավական է ասել, որ յոթնամյակի մի քանի տարիների ընթացքում հանրապետությունում զգալիորեն կրճատվեցին կերային կուլտուրաների ցանքատարածությունները, որով խախտվեց ցանքաշրջանառությունը: Միայն 1961—1964 թթ. «կուլտնտեսություններում և սովխոզներում բազմամյա խոտաբույսերի ցանքատարածությունները կրճատվել են 32,6 հազար հեկտարով, կամ 35 տոկոսով, իսկ միամյա խոտաբույսերինը՝ 18 տոկոսով»²⁰:

Այդ կազմակերպական հարցերի ժամանակին շկարգավորումը և գյուղատնտեսության նյութատեխնիկական բազայի ամրապնդման ու նրա արդյունքների ավելացման գործում թույլ տրված լուրջ սխալներն ուղղվեցին ՍՄԿԿ Կենտկոմի 1964 թ. հոկտեմբերյան և նոյեմբերյան պլենումների և, մասնավորապես, 1965 թ. մարտյան պլենումի որոշումներով: ՍՄԿԿ-ն հետևողական միջոցառումներ է ձեռնարկում ամրապնդելու գյուղատնտեսության նյութատեխնիկական բազան և ապահովելու նրա հետագա զարգացումը: Այդ նպատակին էին մասնավորապես ուղղված ՍՄԿԿ Կենտկոմի 1966 թ. մայիսյան, 1968 թ. հոկտեմբերյան և 1970 թ. հուլիսյան պլենումների որոշումները: Կոմունիստական կուսակցությունը նորանոր միջոցառումներ է ձեռնարկում ավելի ևս ամրապնդելու և զարգացնելու գյուղատնտեսության նյութատեխնիկական բազան:

БОРЬБА КОМПАРТИИ АРМЕНИИ ЗА УКРЕПЛЕНИЕ МАТЕРИАЛЬНО-ТЕХНИЧЕСКОЙ БАЗЫ СЕЛЬСКОГО ХОЗЯЙСТВА (1959—1965 гг.)

А. С. ДЖАНИНЯН

Р е з ю м е

Для укрепления материально-технической базы сельского хозяйства Компартия Армении проводила важнейшие мероприятия. За годы семилетки были введены в строй новые машиностроительные, электро-технические и химические заводы и предприятия, которые способствовали укреплению материально-технической базы сельского хозяйства, республика получила новые тракторы, комбайны и сельскохозяйственные машины. Благодаря этому машинно-тракторный парк колхозов и совхозов республики увеличился в 2,5 раза. Сельское хозяйство получило новые виды химикатов, гербицидов и т. д. Большие успехи были достигнуты также в области ирригации.

Постановление мартовского (1965 г.) Пленума ЦК КПСС сыграло огромную роль в устранении допущенных ошибок и дальнейшем развитии сельского хозяйства.

²⁰ ՄԻԻ-ի հաշվ. մասնահյուշի արխիվ, ֆ. 1, ց. 86, գ. 308, թ. 17: